



清惠堂集

全椒金望欣秋上

詞一小令中調七十八首

漁歌子

蟹斲風微火照灘蓼花紅伴老漁聞香餌細野潭  
寬三尺銀鱸不上竿

江南好

入都過廣陵登鎮海樓眺望四調

登樓望東望水盈盈風柳自搖揚子驛烟花新滿  
廣陵城到處慰羈情

又

登樓望南望霧沈沈半壁潮聲通鐵甕一痕山色  
畫金陵匹練界江澄

清惠堂集

詞一

又

登樓望西望樹濛濛棠邑估帆開夕照真州酒旆  
颺春風一抹落霞紅

又

登樓望北望路漫漫河畔冰消排濁浪淮陰雨重  
勒餘寒何日到長安

又

題桐陰待月圖三調

桐陰好待爾月如鉤一搯蛾眉天與樣任郎看煞  
不知愁月上始梳頭

又

桐陰好待爾月如弦卜得金錢期後約抱來錦瑟

怨華年一半要團圓

又

桐陰好待爾月如輪祇恐清輝終夜減細描花影  
惜餘春憐取卷中人

桂殿秋

風片緊雨絲稠芭蕉聲裏釀殘秋憐伊自在天涯  
宿一椽孤衾兩樣愁

拋毬樂

秦淮泛舟

秋霽秦淮泛短篷夕陽水榭敞簾櫳瓜皮艇子三

篙水桃葉歌兒

笛風十二年前事曩曩仙音在

耳中

丙子秋賦飲山尊先生水榭時秋雨初晴月明人靜香生明經倚闌高歌一曲未終兩岸

清惠堂集

樓中管絃四起

當時以為佳話

江南春

桃葉渡莫愁湖黃金教舞妾碧玉換歌姝青溪別  
有無雙豔獨處無郎蔣小姑

一葉落

秋立

一葉落涼初覺伏天暑氣尚餘虐西風萬里來當  
空秋雲薄秋雲薄河漢橫樓角

遐方怨

得家書

護草綠棣華紅玉樹階前新有書聲隨曉風蕙心  
人卻報吹窮金錢花滿地手空空

又

寄家書

金久盡少貂裘只有新詞權壓空囊南阮羞悔教  
夫婿覓封侯債從天上欠累牽牛

相見歡

和南唐後主韻

天河新絡妝樓下簾鉤自覺香肌瘦夏怎禁秋  
藕易斷絲常亂比閒愁恰是洗頭天氣懶梳頭

長相思

螢火和寄生

夜融融月朦朦幾點疏星墮井桐坐人襟袖中  
出花叢過簾櫳微明曾照玉顏紅窈娘紈扇風

又

燈乍昏被正溫蓮漏難留短夜春晨光生妬人  
語輕輕淚盈盈汀上春潮落處明鴛鴦雙睡痕

清惠堂集

詞一

三

點絳脣

夏闌

新減腰圍樓臺深靜猶嫌暑汗香多處紅拭桃花  
雨 午倦難舒梅子青堪取眉愁咀團欒如許那  
得酸如許

浣溪紗

題汾陽王遇織女圖

富貴何能畀俗人英雄福分本天成肯教豪氣短  
風塵 作柱未支唐社稷浮槎先識漢星辰君王  
妃子共長生

又

記得相逢斂笑輕雲鬢霧鬢不分明別來何處覓  
流鶯 兩地相思空有淚一生快活是無情從今

誓莫喚聲卿

又賀春卿納  
姬二調

杜牧尋春計未疏  
遠山眉黛正當壚  
東門真有女如茶  
碧玉好探瓜  
信息黃金難買雪  
肌膚低頭曾識曝衣初

又

出浴蟬宜阿母梳  
夜深花影倩誰扶  
風流能似大喬無  
羅襪凌波隨畫鷁  
錦衾為雨趁飛鳥  
網將西子到西湖

又平山堂下四時泛舟看花詞十首

微暖平山看早梅  
當時永叔手親栽  
浪游曾見此

清惠堂集

詞一

四

花開平山堂下有歐梅一株  
花開甚繁今已萎矣

江上青山猶帶雪

籬邊斑筍未驚雷  
酒香村店撥新醅

又

文杏枝頭淡著紅  
水關小艇出城東  
清明寒食酒旗風  
上市刀魚新入饌  
照人弓月漸開篷  
歸來臉暈醉初融

又

雨後茶香小苧蘿  
城外有小苧蘿村  
海棠時節任經過  
湔

裙春水染吳羅  
一帶露桃紅  
暈酒幾絲煙柳綠

堆螺扁舟來往疾如梭

又

錦繡成圍暖日遲一年最好牡丹時如雲士女門  
春嬉繞砌旛垂珠絡索滿船釵顫玉葳蕤楊花  
相逐作團飛

又

十里花開勺藥田並頭稱瑞計年年篠園倚虹園  
邢上農桑等

處皆曾開並頭勺藥園  
丁標爲花瑞以致遊人一  
兩文忠公及王文簡公舊  
在篠園今移入桃花庵一杯婪尾酌三賢三賢祠  
祀歐蘇

前得酒更神仙亂飛榆莢買花錢

又

君子亭前盪畫橈亭在桃  
花庵香清茉莉暑全消謝娘

頭上晚風嬌千柄蓋欹搖蕩菖一聲簫起破櫻

清惠堂集

詞一

五

桃衣香燈影亂紅橋

又

秋水芙蓉漲五塘放舟都喜趁斜陽雲山樓角氣

清涼幾點冷螢流火碧一林落葉染烟黃蘋花

香接藕花香

又

新著單衣愜素心木犀香否憶禪林一篙蓮性寺

邊行掃徑雛僧長守樹買花遊女不勝簪歸舟

人載碎黃金

又

菊訪荒村一逕斜葉公墳外野人家此花開後便

無花 夕照城闈歸畫鷁秋風木末數棲鴉西園

載酒有侯芭

山尊先生居西園時曾從之問字

又

雪後園林泛棹行蜀岡點綴玉無塵玻璃窗子隔  
風明 蝨柳絮黏花頃刻蠟梅香撲酒後巡清游  
寥落兩三人

減字木蘭花

夏夜不寐

簾紋如水羅帳烟輕吹不起無那蟲飛遣夢歸家  
未肯歸 香生茉莉枕上新添秋意思今夕銀屏  
知有離人一搯醒

又

蓮蓬

清惠堂集

詞一

六

紅衣初卸萬柄玲瓏風露下結子貪多粒粒明珠  
裏碧羅 擘瓢親取嘗出儂心無限苦莫棄空房  
留與檀郎洗墨香

巫山一段雲

雨後道上

柳弱搖春水花嬌倚暮烟軟風吹老嫩晴天一帶  
夕陽鮮 紫陌初調馬紅樓半捲簾山如出浴女  
兒妍螺黛溼眉尖

菩薩蠻

題白秋海棠紅鳳仙折枝花畫幅調芳谷

東風信遠西風緊階前楚楚秋花影粉淚莫輕彈  
紅生指甲間 見卿腸易斷好女情誰管花底結  
同心有人同小名

阮郎歸閨夜

斜風細雨又黃昏春深長閉門挑燈獨坐悄無言  
宵寒欲斷魂 宮篆裊鏡花明羅衣分外輕小衾  
孤枕冷清清教人待怎生

喜遷鶯題小鶴扇

新月展好風吹扇底見光儀幾竿修竹倚闌時鶴  
瘦骨纔奇 書畫眼齏鹽臉此是才人真面身邊  
添箇小蠻宜紅豆譜相思小鶴有紅豆相思圖

賀聖朝晚涼和

藕花墜粉浮萍紫正小池波起輕羅堪著疎簾齊  
下香燒沈水 斜陽樹杪紅無幾射斷霞魚尾秋

清惠堂集詞一

光佳處在垂陽外暮蟬聲裏

應天長扇統

齊紈織就班姬怨纖手搖來風翦翦笑能遮羞難  
掩時露歌脣紅一點 任懷人詩寫徧祗怕涼颼  
恩斷多少徘徊金殿淚盈明月面

西江月

堆恨山眉似畫鈞愁月色如鉤花容泣雨倚高樓  
都與離人消受 有福生憐蛺蝶無情私咒斑鳩  
要儂一世不生愁南國休生紅豆

小闌干雨花臺晚眺

秋風吹我上高臺落日照秦淮山插雲屏江鋪雪

練千里眼中來 當年梁武非庸主 魔鬼自疑猜  
破爾金甌一場花雨 天醉禍方胎

偷聲木蘭花

詞

焚香掃地消清晝 簾紋驗得閒身瘦 汗漬勤揩側  
翅青蠅不敢來 故人蘄笛情難報 轉爲戀伊秋  
怕早今夜高眠便不遊仙夢也甜

醉紅妝

柳新

東風一夜度溪橋 併春光上柳條 依依無力不禁  
搖年三五女兒腰 畫樓驀見妒妖嬌 好眉黛學  
伊描笑問鏡中真箇似便不似也魂銷

醉花陰

茉莉借  
小鶴作

清惠堂集

詞一

八

玉骨冰肌纖手摘 香色都清絕 宜趁晚妝成 編貝  
排珠點出雙鴉黑 紗幘碧掩秦淮月 記秋風時  
節何處最銷魂 好夢初醒枕上開如雪

南柯子

都出

李廣彎弓誤明妃 抱鏡羞春明 柳未解相留 影共  
一鞭殘照 渡盧溝 塵土傷心 色江湖 落魄愁五  
更 落月照行軒 依舊二分無 賴夢揚州

浪淘沙

花落

山杏滿枝紅 香霧濛濛 誰憐飄泊斷垣中 惱殺東  
君春不管 竟日狂風 辜負綺羅叢 客恨何窮 一  
春花事又成空 花落明年猶自好 年少難逢

鷓鴣天

芳草堆愁客路遙天涯何處不魂銷幾株楊柳藏  
蘇小千樹桃花葬薛濤風瑟瑟雨瀟瀟沈陰天  
氣釀無聊春心猶似鑪香熱一半成灰一半燒

南鄉子

秋閨

瘦比楚宮腰殘暑冰肌凝欲消才喜西風容睡穩  
迢迢雁到無書夢又勞木葉下亭皋涼上征人  
舊絮袍一片五更砧杵月滔滔秋水潮時淚也潮

踏莎行

送荅洲歸新安

黃海雲歸邗江秋暮送君夢到天都去好山一路  
畫圖看滄波紅樹無風雨鳩杖歡顏蛾眉別緒

清惠堂集

詞一

九

鄉音更聽兒童語重來屈指杏花時嬉春再作天  
涯聚

臨江仙

題次雲爲璞生畫扇

西風一夜催霜葉空餘古木槎枒遠山沈後暮雲  
遮故園何處回首即天涯有日幅巾歸去也東  
籬分付黃花畫中獨樹老夫家夕陽流水隨意數

歸鴉

又過胥浦橋

子胥仗劍奔吳地空餘浦上長橋真州潮信夜滔  
滔西風鳴咽疑是浙江潮十載征塵頻過此芒  
屨冷踏霜皋自憐窮士學吹簫荒祠下馬長揖薦

溪毛

又過露筋祠

緩著吟鞭春水畔東風帽影吹欹長隄一帶夕陽  
西杏花開似雪楊柳撚成絲翠羽明璫神貌肅  
湖雲低護靈旗楹書絕妙古人詩江淮君子水山  
木女郎祠

又題老人岡店壁 六合老人岡旅店舊有

芳曾向蝸廬寄短牀今日扶筇重過此衰顏  
慙對老人岡數十年往來過客和作如林  
先伯年過四十始成進士今犬馬齒已三十  
入矣落第後過此讀壁上之詩慨焉有遲暮  
之感因成此解

楊柳垂絲催上路歸來梅又開花風香村店酒旗  
清惠堂集 詞一

斜停車留過客畫壁有詩家 落魄揚州慙小杜

難希好句籠紗軟塵頻踏愧烟霞但求人不老敢  
怨走天涯

一翦梅 秋聲效蔣竹山聲聲慢體

送到新秋是雨聲催著潮聲雜著風聲芭蕉漸靜  
數更聲遠和笳聲近和蟲聲 腸斷城頭曉角聲  
喚起蹄聲曳起鈴聲驚寒爭答雁來聲燈下機聲  
月下砧聲

蝶戀花 蝶白

粉態輕輕翻雙翅擁花底今生只作梨花夢陌上尋  
春風緩送一天雪壓迷香洞 深院簾垂鉤影動

偷入妝臺殊色偏  
嬌弄未解玉人猜  
妒重翩翩飛  
上釵頭鳳

蘇幕遮

玉簪花

素娥遊秋殿  
冷寶髻雲鬆  
簪墮梧桐影  
化作空階  
花一本雪魄  
無塵輕抹  
南朝粉  
晚梳頭斜插鬢  
銀樣纖纖  
別有天然韻  
夜半髮香清  
夢醒壓扁瓊  
葩嬌共釵橫枕

醉春風

新蟬

出蛻腰圍嫩  
翳葉冠綉  
整形容文弱  
氣清虛  
認認  
認齊女香魂  
潘郎華髮  
謝娘雲鬢  
露咽千林靜  
風攪千重恨  
不須秋到已  
淒涼聽聽聽  
野岸孤舟

清惠堂集

詞一

十一

荒園孤館幽  
閨孤枕

侍香金童

欄杆

簾捲蝦鬢  
卍字玲瓏  
隔好延取  
虛廊明月  
白柳影  
橫斜花影  
直人倚東風  
沈香亭北  
半身憑翠袖  
腰肢無氣力  
時逗露羅裙  
深淺色擊節  
清歌敲又  
拍粉指摩挲  
暗留香迹

行香子

題臨水居

半畝山房  
四面池塘  
樹陰陰雲水  
爲鄉夕陽  
晚照  
秋雨新涼  
恰蓼花紅  
藕花白  
荳花黃  
無數青山  
排闥當窗  
逼人衣滿  
座嵐光好  
消殘暑  
臥我中央  
借一蘆簾  
一蒲扇  
一藤牀

又言懷借稻生作

三萬牙籤四十華年笑浮生仰屋徒然何如省事  
飽食高眠對一屏山一尊月一鑪煙未脫羈纏  
雅羨林泉問空囊何日多錢買田百畝蓋屋三間  
也不求官不佞佛不修仙

又歸思

貧也黔婁遠矣丹邱赤松子何處從游不如歸去  
桑梓陰稠正月當窗花滿架酒盈筯衣食雖憂  
離別無愁有天倫真樂優優豈棚小雨茅舍先秋  
看母含飴兒學語婦梳頭

天仙子輓竹坡翁

清惠堂集

詞一

十一

記得去年湖水碧同對荷花鋪綺席酒涼歌罷興  
酣時如雪帛如烟墨腕底龍蛇飛上壁又是今  
年湖水碧依舊荷花紅暎日眼前不見老仙翁關  
塞黑頭顱白夢斷吳江秋瑟瑟翁卒於吳江

江城子

題穿鍼乞巧圖

黃姑織女隔天河弄金梭別離多難得今宵歡會  
補蹉跎試向曝衣樓上望陳瓜果有秦娥秋風  
掠鬢動衣羅對金波蹙雙蛾一縷柔情輕上指尖  
搓鍼孔有靈應得透渾淺笑暈腮渦

離亭燕過明孝陵

古木空江秋冷黃屋紫金山近雲起更無天子氣

草滿漢陵唐寢享殿碧苔生守塚白頭監盡 春  
夢六朝誰醒留共福王同證開國鼎湖弓劍地付  
與荒寒愁問十廟雨雲來應有忠魂朝覲

祝英臺近

蛛網

繡簾垂芳樹暮網近畫簷布似織迴文宛轉絡烟  
縷最憐顆顆明珠何時穿就倩梅子黃時疎雨  
問愁緒卻似將老春蠶相思正難數閒坐斜陽盡  
日惹飛絮有情留住風花仍無情處並蝶使蜂媒  
留住

又

惜別用東坡先生韻

柳垂金花似霧催上竹西路別夢依依驚醒一聲  
清惠堂集

詞一

十三

櫓幾番檢點琴書商量薪米難忘是夜燈紅處  
去難阻願將雙淚盈盈啼爲滿城雨天本多情此  
願豈無據無情卻是春雲才陰又斂真辜負間關  
鶯語

金人捧露盤

黃花

月波清風波靜臉波明暗香滿南澗之濱樓東賦  
罷箇人曾否稱芳名繁華洗盡賸朝天素面盈盈  
詩中潔畫中澹禪中定色中貞合衆妙化此花  
身山流碧玉木蘭舟上憶秋心採宜皓腕莫輕蹙  
羅襪微塵

洞仙歌

敗荷 劉後谿

一池秋爽正漣漪風靜並宿鴛鴦夢纔醒鷺驚飛  
搖動千柄紅衣零落了多少愁香倦影 臉波猶  
記取出水燕支初日嫣然照湖鏡暫別幾何時結  
子貪多渾半面教人難省問嫁與西風更誰憐似  
臨水斜陽流紅俄頃

滿江紅

個園雙鶴

萬个陰濃猗猗處一池新綠有雙鶴晚晴天氣縞  
衣出浴引領未忘雲海思梳翎但養山林福似美  
人聯袂竦輕軀依修竹 三徑外朱欄曲片石上  
蒼苔簇乍蕭蕭風雨影搖衆綠耽靜本無軒蓋想  
就陰豈受樊籠東願招涼雙唳振青霄秋聲續

清惠堂集

詞一

十四

又

題樸園翁做蕭尺牘雜駮圖

萬古奇文須付與千秋畫筆圖不盡雲君山鬼湘  
如河彼岸芷汀蘭秋氣味風裳水佩仙標格最牢  
騷天問發奇觀驚魂魄 姑孰壁留遺墨思尺木  
寒江碧喜替人長在見君顏色夙世同修摩詰慧  
孤懷聊託靈均迹溯沅湘難寫有愁心頭應白

又

往歲曾夢游浙之西湖至鄂王廟中王笑語近人鐵上詩有句云南渡河山泥馬壯

西湖風月鐵人寒醒而異之思補續成篇因壯  
猶未果今夏填詞消暑欲取入詞中懼其褻  
未敢也茲讀白石道人平韻滿江紅序言泛  
舟巢湖禱諸湖神頃刻而成其後土人祠神  
歌以迎送因做白石體成此詞王舊有滿江  
紅詞傳誦至今想亦神所樂聞也或他日游  
浙躬拜祠墓遇有善音律者商訂音節歌以  
侑神雖未足表王忠義聊以識嚮往之誠云

東浙潮來共毅魄空際往還靈旗下忿深胥種霜  
髮衝冠白雁飛來成故國黃龍酣飲付空談把昔  
年心事寄瑤琴垂涕彈怒髮衝冠及欲將心事寄瑤琴皆王詞也披  
青史心尚酸判忠佞筆難寬正蓋棺論定俎豆神  
歡南渡河山泥馬壯西湖風月鐵人寒更繞墳奇  
樹對冬青枝向南

瀟湘夜雨

簷馬

枕岫秋生屏山夜冷打窗忽動微風淒涼聲到耳  
根中疑金井絲牽玉虎和水漏壺滴銅龍銷魂處  
錚錚片鐵逼近簾櫳 羈人聽慣默思旅夢清響  
誰同記殘芻瘦馬夜齧從容燈未燼霜蹄踏曉車  
清惠堂集 詞一  
十五

乍碾風鐸搖空琵琶歇明妃月下環珮走丁東

又

護簾

樓角秋光廊腰暮色玲瓏雅稱簾垂瞿塘船到故  
人貽鉤乍上影篩月魄窗盡啟波皺風漪看花處  
巫山細雨隱隔蛾眉 蕭齋危坐青山白水頻動  
相思正懷人吟後掃地眠時烟不散留香篆久風  
不起放燕歸遲圍棋罷清清枕簟一幅杜陵詩

滿庭芳

漢河

弓月彎弧衣雲褪絮西風吹亮銀潢碧天如洗輕  
練界中央零落疎星幾點占涼信欲動寒芒聽嘹  
唳霜鴻乍度空影訝涵江 堪傷年少事披圖指

象甘石能詳笑黃姑織女從古荒唐一自羈棲旅  
館辜負了無限秋光閒中老微雲疎雨吟瘦孟襄  
陽

水調歌頭

月夜泛舟  
平山堂下

落日放船好雨後更清幽浮雲深處圓輝擁出水  
晶毬一幅紅橋白塔幾筆露荷風柳人在畫圖遊  
山色有無際勝蹟訪蘇歐松關閉明月落挂枝  
頭五更烟碧蟬聲攬入一分秋扇底湖光山渌襟  
上酒痕燭淚狼藉未曾收杜牧十年老猶自戀揚  
州

又

放舟看觀音山  
寺佛生日香燈

清惠堂集

詞一

其

碧漢歇微雨覺路早清塵蜀岡頂上長明齊點佛  
前燈二十四橋風月五十三參香火照徧綠楊城  
佈施金錢滿一路結茶亭看紅粉隨白髮入禪  
林衣香人影蒲團低拜祝無聲獨有秋風倦客撐  
起凌雲傲骨不乞梵王靈放棹雷塘近幾點故宮  
螢

又

借同人谷林堂納  
涼兼謝智光和尚

一雨洗炎暑秋到谷林堂堂上今雨舊雨應接智  
仙忙攬勝樓開平遠無數南徐山色雲際鬥青蒼  
極目遠天盡孤墪動斜陽雷聲隱烟景溼野風  
涼江山憑弔幾度歌舞罷歡場昔日文章太守今

日飄零詞客依舊擅清狂蔬筍一尊醉此味久難  
忘

清惠堂集

詞一

十七

清惠堂集

清惠堂集

全椒金望欣秋士

詞二長調四

鳳皇臺上憶吹簫

和漱玉詞

藥鼎塵封薰鑪香燼閒時懶蹙眉頭奈惱人春氣  
鈞恨如鈞悵望綠肥紅瘦一任伊兩意休休垂簾  
靜怪來風雨冷似殘秋堪羞驪歌唱後只緘來  
錦字枕角長留記江南春暮莫倚高樓多少桃孤  
柳寡釀成了紅淚盈眸真無賴爲他無情花柳當  
愁

又

題嶺生畫斜倚  
熏籠坐到明圖

妾命羅衣君恩紈扇今生都付秋風笑孤衾獨枕

清惠堂集

詞二

夢也欺儂整頓衫兒愁坐望天上青鳥難通傷情  
似籠香未冷燭淚長紅朦朧雙雙倦眼更倦箇  
多情圖畫偏工歎朱顏未老綠鬢先鬆拋盡周郎  
心力休寫出憔悴形容還思向才人買賦金屋重  
逢

步月

七月既望  
東園步月

水碧秋生天青雨過挂空明鏡剛磨玉樓高迥清  
景得來多跨橋背瓊欄疊雪傍石腳翠草堆螺看  
多少風亭月榭簾卷近秋河婆娑行步緩破苔  
上柳影尋到藤蘿白蘋香裏零落幾枝荷雜吟嘯  
金篩竹韻展畫圖釵插松柯廊深處添聲短笛妙

如何

倦尋芳

為春卿題香山蠻素圖  
時春卿宦越新納姬人

江山文藻臺閣勳名此老雙絕更有餘情消受人  
閒花月楊柳綠翻衣影動櫻桃紅破簫聲發向西  
湖問白家故事蒼生能說 公去後湖中判牘花  
底題詩餘韻消歇賴有坡仙攜箇朝雲入越菱角  
利能周六井楊枝笑始開雙鬢東坡贈朝雲詩以  
樂天楊枝為比  
怕使君止留情錦衾羅襪

揚州慢

和白  
石詞

廿四橋頭三千殿脚錦帆十里郵程看山光禪智  
鬥眉黛青青任此地溫柔鄉老清游夜夜酒陣詩

清惠堂集

詞二

二

兵怎頭顱鏡裏斜陽轉眼空城 吳公臺下問蕭  
孃春夢誰驚金粉樓空玉鉤斜遠芳草無情詞客  
年來憑弔秋風苑衰柳蟬聲笑當壚兒女臂盟仍  
證他生

長亭怨慢

和小鶴  
秋柳

乍聽得笛聲清越一聲聲是曉風殘月弱態難勝  
樹猶如此忍攀折冷螢飛去渾不記隋宮闕問鏡  
裏雙眉應賸有愁恨千疊 羞說憶輕黃嫩綠舞  
鬥女兒輕捷東風薄倖暗催取飛花如雪又轉眼  
冷落關河卻先做飄零黃葉教秋士秋孃爭不同  
生華髮

念奴嬌

送春

問春春老又怱怱付與落花飛絮捲起湘簾添悵  
望欲罵東風無語織錦鶯忙抱香蜂鬧忍放羣芳  
去一尊相送記江南舊時路顛倒旅思羈魂如  
癡似醉夢斷尋何處撇卻懷人重病酒慣把烟花  
閒度龜甲圍屏蠅頭密字題徧傷春句尚憐窗外  
海棠留得盈樹

又書稻生小鶴贈答  
詞後即次原韻

清詞酬唱似晴空長唳聲聲鸞鶴亂石崩雲堪嗣  
響隻字何容輕削禿到中書狂如昭諫夾爾惟需  
腳對邯鄲步教儂盤辟難學自數謬算狂謀六

清惠堂集

詞二

三

州聚鐵是鑄皆成錯獨有羈棲師友富李郭仙舟  
同泊長笛銜風清尊墮月何羨平津閣但愁凡骨  
筆花開盡才薄

又璞生和稻生小鶴韻  
甚佳疊韻書其後

詩爭崔李誰一拳搥碎高樓黃鶴二華崢嶸仙掌  
擘添得三峯如削玉局清才銅琵琶絕唱響遏行雲  
腳此中三昧知非儅父能學正拍好付紅牙周  
郎善顧道字何嫌錯留著青雲豪氣在豈患窮途  
飄泊同有千秋竹林圖畫抵得凌煙閣又催吟興  
暮蟬聲噪林薄

又晚晴疊  
前韻

夕陽樓畔有翩然曬羽一雙仙鶴點破蔚藍天色  
嫩潑黛山痕如削雲陣排空虹梁跨水斷雨猶垂  
腳晚妝眉樣一鉤新月初學好趁空館微涼簟  
紋如水早睡原非錯對語簾前雙燕子似笑孤鸞  
棲泊網濕蠨蛸粉乾蛺蝶夢到凝妝閣此時歸去  
箇人猶怨情薄

又贈瑞翁

疊前韻

飛來江上似無心而至閒雲孤鶴笑拍肚皮惟健  
飯城府全經剗削皖水清冷揚州佳麗偶拽蒲帆  
腳奕碁隨意不勞塵劫勤學老矣行樂因時名

山佳水過處休教錯到眼金焦宜買棹有約僧寮  
清惠堂集

詞二

四

同泊鐵甕風潮金陵燈火一覽江天閣體原如佛  
下看身世雲薄

又

喜次雲病  
愈疊前韻

沈郎消瘦似山中一隻倦飛孤鶴病後腰圍應更  
減羸得衣聲戍削燥口餐加枯腸藥轉漸健腰和  
腳青山仍在好烟雲任儂學手筆君似倪迂緣  
慳清秘位置天原錯况累孟光同賃廡誰惜鳳鸞  
飄泊才子窮愁君家故事識字曾投閣相憐同病  
幾年脂粉輕薄

時其細  
君亦病

又曉陰疊

前韻

乍醒歸夢尚流連怨我家山後鶴滿座癡雲簾不

捲恨少雲斤揮削紅綻梅梢青垂桐子綠上苔墻  
腳燕雛飛未雨中來往相學 窗外荷葉田田一  
池錦水羅縠光交錯出水紅衣風尚怯莫遣飄零  
萍泊花氣留人蘿烟巾地清到雲林閣午前書畫  
趁他炎暑微薄

又詠懷兼寄漢上諸友疊前韻

九天頻謫笑平生無福乘鸞騎鶴慷慨一杯燕市  
酒萬古牢愁平削馬瘦幽并舟輕淮海又轉風旗  
腳百金方在越江泝空學 細數漢上題襟美  
人縹緲贈我刀金錯十載朱顏都漸老何日萍蹤  
重泊見月懷人看雲憶弟望斷晴川閣武昌魚大

清惠堂集

詞二

五

腹書遙寄休薄

又懷荔紳疊前韻

長安聚首是雲間日下陸龍荀鶴花樣但隨人世  
改那變良工斤削弱不勝衣病常減飯能立中流  
腳少年淹雅讀書然後爲學 別淚灑向東華盧  
龍塞上溷我風塵錯密約三年重握手易水蕭蕭  
曾泊君望螭頭我思驥尾終恐登臺閣晚成何害  
挽回文體浮薄

又寄介臣兄楚中疊前韻

遠游乘興作當年赤壁橫江孤鶴要吸楚江春酒  
綠手把君山全削嬰武洲翻長沙地小醉後休伸

脚子瞻無恙買田樊口難學 記得客歲涼風秦  
淮秋霽水榭珍珠錯白眼睨他窮學究何物孝廉  
船泊山瞰龍盤關超虎踞長嘯飛霞閣舊歡如夢  
楚天西望雲薄

又寄子春弟  
疊前韻

阿兄老矣似頻年不舞羊公之鶴路過聖居思望  
魯遮眼龜山難削有骨如仙無靈是佛枉抱忙時  
脚著書非晚燭明猶可勤學 問數李廣雖奇封  
侯李蔡機會君休錯方丈蓬萊風引退福至公然  
輕泊行路多難登樓非計筆恐窮來閣家貧親老  
宦情何敢言薄

清惠堂集

詞二

六

又輓餘圃  
疊前韻

成童初試望機雲兄弟華亭雙鶴

餘圃與兄介園皆爲汪文端公

所賞

玉筍班中君更少敵手曾猶愁削

謂曾福種獻卿

三生爽推二惠忽折飛鴻脚先生休矣後來誰擅  
文學 哀問傳到京華怕驚小阮

謂依宸

但道音書

錯細數平生文字友幾箇無憂飄泊幸免長貧又  
雁短命無福惟閨閣

餘圃婦寒族女也

目猶堪瞑有孤田

尚非薄

又訓智光  
和  
尚疊前韻

藕花風裏倩扁舟問訊空山猿鶴松柏陰陰鈴語  
靜曲徑苔平如削煙欵柴關雲  
畫像一葦西來

脚氣除蔬筍秀能難判宗學 示我齊己詩篇辟

支證果語笑滄浪錯清淨耳根蕉葉雨秋漲芙蓉

湖泊和尚見和平山堂聽雨水調歌頭有句云雷起芙蓉塘外雨滴芭蕉窗下釀做一天秋

水碧淮東峯青江上吟興開經閣平分風月唱訓

憐我才薄

又詠茉莉戲杏  
南疊前韻

斜陽緩步訪美人香國縞衣如鶴弱蔓嬌枝扶上

架都把閒花刪削銀豔欺冰珠蓓蘼露開徧籬笆

脚晚妝堪助玉奴歌舞新學 多少消夏平山簌

錢堂下賭采休看錯贏得妖香籠滿袖舟向荷灣

移泊留贈殷殷醉歸緩緩星小明妝閣親簪雲鬢

清惠堂集

詞二

七

嫩涼攜入帷薄

瑞鶴仙高郵鹹鴨蛋

臉波輸樣美況色染微青珠湖春水鹽泥迹初洗

較魚蝦江國一般滋味停舟入市自檢得勻圓一

例剖開時瑪瑙堆盤玉碧裏來珊紫 曾記端陽

佳節恰到秦郵扣舫同醉求他別趣酸鹹外淡濃

際配燒春村酒經冬醃菜一盞飯抄魚子憶金陵

秋賦風簷飽嘗幾次

又菊  
枕菊

青紗兜碎影把三徑西風招來同寢縫成放翁枕

觸綉蘭纖手一堆香冷牀蓊簟筍者雅况寒家最

稱問泉明高臥羲皇此味可曾親領 安穩東籬  
遊倦攤飯曹騰澆書醕酌蕭然夢境除塵俗入清  
淨漸頭輕風去眼明花褪傲得霜消兩鬢近重陽  
送酒人來甕邊喚醒

齊天樂

曉過  
釋山

五更輓轆醒塵夢輕寒尚欺行客淺水濺輪高林  
舞蓋紅露東方天色山痕黝黑看膚寸雲生雨晴  
難測顛米迂倪曉嵐橫潑一池墨 凌空幾盤磴  
道弔秦皇虎視東巡遺跡寂寞寒烟淒涼野火剝  
盡斯冰刻石文章赫奕讓鄒國豐碑巖巖千尺老  
我輪蹄有燒餘典籍

清惠堂集

詞二

八

綺羅香

春  
氣

病柳纔蘇憨梅轉困春上草根紅淺瑞靄氤氳陣  
陣暖風輕扇剛靜院蟲語和融早遠樹鳥聲鬆倩  
問阿誰清曉黃昏朦朧侵入枕函畔 美人幾日  
沈困漸覺雪胸酥膩雲鬢香暖夢斷偷尋白晝眠  
多嬌軟衫子薄慵縮纖腰帳兒低倦開愁眼記前  
宵酒醒郎扶羞紅生半面

拜星月慢

牽牛  
花

小院餘芳破籬幽致幾朵牆根秋晚冷豔開時正  
銀河清淺看花樣卻似黃姑昨夜相別墮下離筵  
杯淺碧暈誰描比天青色淡 伴空閨不倩焉支

染涼螢照誤認雙星閃暗把薄粉輕螺畫吳娘妝  
面覺依微香隔疎烟遠恁淒楚影觸西風顛只共  
那獨處匏瓜繫垂垂弱蔓

惜黃花慢

倚鞦  
菊

秋光明媚有奇草異花清新名字楚楚階前派分  
騷客疎英畫出梵王遺製帶烟含雨半開時正朵  
朵凝香堆翠繡成未散徧世間天女游戲 多應  
隻履西歸便留此一隻忘將攜去化作幽芳借他  
三徑高風寫我一番禪意移根須忌到秋閨者不  
是櫻鞦遊地看花屐訪偏夕陽蕭寺

又荷

清惠堂集

詞二

九

田田曾記正嫩葉點溪青錢魚戲漸長肥圓幾枝  
華蓋遮紅一色羅裙裁翠銷魂半欲放開時問誰  
把綠雲捲起碧筒裏吸得冷香腸滿花氣 而今  
菡萏飄零似遠嫁美人蓮房多子露顆盈盈換他  
十斛明珠併作一秋清淚枯荷留聽雨來聲斷腸  
客無聊詩思耐嘗是裏飯遺人滋味

一萼紅

題伊人翁繞  
屋梅花圖

探韶光正溪橋臘盡烟水暗生香春腳猶慵冬心  
好護枝枝搖動斜陽向此地蓋間茅屋倩雲扶清  
夢到花鄉老我青山傲人朱戶泥爾紅妝 誰似  
先生高尚擔茶經藥譜移入梅莊雪裏攜鋤香中

曳杖任他兩鬢成霜更著意留春不放寫疎籬瘦  
影付倪黃好和灞橋詩思收入奚囊

又荷包  
牡丹

衆香中有魚兒新樣捻就可憐紅口纈輕緘腮渦  
濃染最宜晴日微烘問誰買朱絲繡出應教人奇  
巧妒天工幾點愁痕一團酒暈繫上芳叢 賜與  
春官作佩比金魚一品富貴名同結展丁香帶圍  
勺藥染衣香霧空濛綴曉露真珠貯滿倩東皇早  
試剪刀風收得賣花錢去不怕囊空

又蝟  
牛

雨初晴見橫斜粉壁有篆燦如銀太極圈兒微軀  
清惠堂集

詞二

十

負著螺紋尖頂分明上窗紙遊行自在忽逢人頭  
腦總無形避濕伸腰畏鹽縮角計巧藏身 卻怪  
呼牛不應怎纖纖雙繭也冒虛名隘到吾廬能容  
爾屈何勞戴屋而行笑穀觥無涎自潤問寢訛粘  
壁已忘情好把名心澹盡共息蠻爭

沁園春  
感事

載酒看花揚州好夢待醒十年憶紫釵偷贈伊其  
相謔黃河解唱我見猶憐寶鏡生菱金刀斷藕苦  
被情絲一縷牽春光去看小紅橋外逝水如烟  
人生膏火相煎總錯把心和玉比堅歎青袍未泮  
仍然塵土青娥易老說甚神仙幾載顏容半生綠

分無那明珠不肯圓空相計恐情天可補恨海難  
填

又代贈疊  
前韻

春與秋期秋與春期幾多少年念鴟頭齒弱誰將  
我誤蛾眉命薄偏得君憐輒語温存羞顏熨貼一  
樣相思兩字牽忍今日聽明珠去掌紫玉成烟  
連宵藥餌親煎怕身似琉璃漸不堅恨驚風颭水  
鴛鴦易散彩雲墮地雞犬難仙明鏡欺春孤衾仗  
酒燈燼無花夢不圓還癡望望秋河清淺靈鵲能  
填

又代答疊  
前韻

清惠堂集

詞二

十一

錦瑟曾歌金縷曾歌奈爾華年記雞窗私語淒淒  
切切鴛衾共倚惜惜憐憐禮豔姿神温柔情性因  
愛生魔恨始牽花初放願金鈴牢繫自護風烟  
茗香玉手親煎早盟臂盟心幾字堅喜寫卿小像  
孤時作伴書卿小字夢裏呼仙故示生疎翻成決  
絕明月虛他四度圓更誰恨恨黃金無屋缺陷難  
填

又自嘲疊  
前韻

絮絮叨叨綺語全除卻待何年便焚蘭蕙甚干  
卿事僵桃代李空替人憐客少黃衫伎無紅拂野  
葛閒藤爲底牽間消遣借辭章游戲幻化雲烟

寒膏半夜猶煎寫瑣事文心比孟堅似如來說法  
現身作女癡人說夢立地成仙斑管搗辭紅牙按  
拍譜出珠喉一串圓真堪笑笑天餘離恨煉石誰  
填

又題紅袖凭  
江樓圖

夢裏羈心秋來江水晝夜同流記野店懷人燈支  
牀脚孤篷聽雨笛壓船頭千里行勝三年旅食羸  
得絲絲兩鬢愁難回首是雲寒風緊去馬來牛

故園料似荒邱囑松竹殷勤爲我留早嬰武靈心  
遙傳雁信允央錦字密寄鸞儔何處青樓誰家紅  
袖欲滯還鄉定遠侯聊留戀比珠簾十里畫出揚  
清惠堂集

詞二

十一

州

又題補凡畫琴友  
西湖惜別圖

竹蔭侵簾茶聲到枕展君畫圖見和靖先生山中  
放鶴清涼居士湖上騎驢柳往依依花歸緩緩一  
半句留爲此湖難描寫有穿雲畧約渡水浮屠  
笑君計太糊塗怎拋卻林泉近市居把禪智山光  
行家飽看餘杭酒味離席輕沾舊雨琴尊東風城  
郭回首能乾別淚無尤堪惜是鄉親蘇小油壁香  
車

又題藻仙畫紅  
豆相思圖

畫出愁心楊柳欄干和影凭時便把酒東風幾行

清淚懷人南國一樹相思入手團欒支頤寂寞脈脈春情不自持沈吟處怕不禁離別清減腰圍拈來爲底淒迷卻紅到堪憐轉妒伊憶宛轉屏風闌歌能記玲瓏骰子入骨誰知擣作靈砂熬成丸藥醫得癡腸分外癡爭能毅和丹誠一點拋向天涯

又

贈杏南兼祝生日

生長湖山得來清氣成箇才人有一枝斑管指揮羲獻一枝鐵筆刻畫周秦秃掃驕騮輕描魚鳥寫幅青山也絕塵攜長笛唱曉風殘月真足銷魂萍踪同到蕪城似落魄江湖載酒行笑鬢鬢須髮清惠堂集

詞一

十三

我愁有雪凶凶腰腳爾詎如雲婦解臨書姬能記曲博得高堂笑語温尤堪妒是佳兒進酒犀角分明

摸魚子

湖上觀打魚

又涼秋畫船疎冷漁汀爭舉絲網鳴榔撐入斜陽遠攪動波心紅漾天水晃正霜籬烟竿亂作菰蒲響鱸羹漫想看頰尾跳波銀腮啜沫多少可憐狀雷塘路極目荒溪斷港難容魴鯉游蕩人思染指江湖味怎得江湖相忘灘嘴望漸月出人歸滿載飛雙槳秋林莽莽賸沙際又痕鷗邊燈影煙外一聲唱

又歸

盼雕梁又傷離別翩翩歸去輕燕天涯何處烏衣  
國千里家鄉猶戀秋信遠正昨夜天邊書到逢來  
雁愁懷淚眼有塞上征人樓頭思婦妒爾羽毛便  
紅襟舞欸欸呼雛作伴飄然花底雙翦將飛又  
掠疎簾入軟語主人腸斷腸莫斷君不見銜泥無  
分昭陽殿春風易轉借鶯舌調簧蝶衣曬粉仍到  
舊庭院

又題盼蝶樓圖  
又園久之飛去今先生歸道山九年矣又  
園屬香生明經作盼蝶樓圖盼蝶所以懷先  
生也余與香生皆承先生青眼為座上賓今  
覽斯圖不禁山陽之感  
因成此解以誌慨云

清惠堂集

詞一

十四

凭欄干柳浪松風重重簾幙低護多情只有黃郎  
甚不放莊生夢去腸斷處憶學士風流舊贈羅浮  
句翩翩一顧任天上司香人間學舞文采那留住

司香本是神仙吏學舞  
新從富貴家先生舊句

山陽笛吹徹西園烟樹

孤飛獨鶴難駐西園有雙鶴先生  
屬續時一鶴飛去座中賸有龍鍾

客寫出相思尺素春早暮盼粉跡香痕空把歸來  
賦閒愁無數想楊柳清尊芙蓉短棹寂寞淚如雨

賀新涼

伯寅落第過揚州同泛舟紅橋  
白梅因繪圖贈之並題此解

話別經年意喜揚州珠簾十里欄干同倚青舫綠  
波紅袖亂人影衣香水膩好沈醉竹西歌吹為問  
軟紅塵土夢較尊前何處饒風味須記取江山麗

水亭無暑鄰荷芰更泥他烘晴微雨碧天如洗  
隱隱雷聲雲外起催送一船花氣又催起一船詩  
思酒後留君重小駐奈金鞍愁壓思歸騎且攔入  
畫圖裏

又東園  
尋秋

新得西風信出城闌高樓掩映綠陰朝靜步盡迴  
廊橋乍現一片溪光如鏡浸曉日波翻紅嫩花木  
清無塵土氣踏蒼苔晨露猶餘潤秋在否向誰問  
初涼好散羈孤悶喜尋幽登山臨水滿身花影  
招我蟬吟蛩語切知在蕭蕭竹徑又移入松風橫  
嶺高柳烟嬌黃最早悄無言落葉飄衣領籬菊放  
清惠堂集 詞二 十五

再來省

又春  
草

綠徧閒池沼趁萋萋春到江南數聲啼鳥萬紫千  
紅開滿處晴展裙腰一道又描出東風舊稿寄語  
家僮花縱落襯芳茵休把焉支掃香逕輒屨痕小  
秋心曾記藤蘿嬾短長亭關河淒緊暮天斜照  
轉眼雨蘇烟早活夢醒郊原宿燒剛寒食清明時  
到搯破窗兒窺嫩綠見修眉一帶山如笑青踏徧  
醉眠好

又題九日行庵文謙圖 行庵者祁門馬曰

郭乾隆癸亥重九日馬氏謙集武陵胡期恒  
復齋天門唐建中南軒鄞全祖望謝山臨潼

張四科漁川錢唐屬鸚樊榭陳章竹汀吳江  
王藻梅泝江都閔華玉井程夢星香溪陸鍾  
輝南折歙方士庶環山士陶靖節汪玉樞恬  
齋洪振珂曲溪笑翁花須插滿頭歸句牧之  
人世難逢開口笑翁花須插滿頭歸句牧之  
賦詩吳中葉震初爲賓主十六人寫生環山  
補圖樊榭爲之詛謝山爲之敘海鹽陳邦彥  
鮑庵書首誠太平韻山韓江佳話閱今八十  
餘年馬氏中落玲瓏山館數易主藏書星散  
園林非復舊觀矣文謙圖爲小園所得余獲  
於圖中識諸老宿真面亦厚倖也環山畫名  
夙著今遺墨人多寶貴此圖安知不與西園  
雅集圖並傳千古哉  
因作此解以誌之

展卷林泉好想當年富貴才人文章遺老九日行  
庵文謙設羣把淵明徑掃况更有樊川詩稿千首  
新詞千琰酒對西風肯受黃花笑風雅事共傾倒  
主賓寫出天然貌向湖山鼓琴開卷坐吟行嘯

清惠堂集

詞二

十六

葛屨荷衫時解帶同學龍山落帽總不是塵凡頭  
腦八十餘年臺榭盡賴畫圖留得須眉肖烟墨蹟  
萬年寶

多麗

京口渡江

曉天晴一江匹練初澄正微颺船移岸紫蕭蕭響  
聽蘆聲宿烟開南徐樹綠秋空淨北固山青雲影  
裁羅波紋散錦日華攪動萬條金有搖目樓臺丹  
碧浮玉望分明思從此三山風利直上金陵十  
年前蒲帆偶挂曾過玉帶山門舵樓眠遙天月暗  
舟人語涼夜潮生海嶽庵秋江天閣曉濛濛微雨  
潤州城愧今日江山如故華髮漸星星空迴首六

朝佳境讓與詩僧

鶯囀序

詞史忠正  
公祠墓

江湖十年載酒慣興懷往哲每遊覽行出城闈似  
聽流水嗚咽有多少寒林古樹青山碧葬忠臣血  
想當年身徇危邦卓然人傑 畫守長淮大事去  
矣又興亡一劫手扶起孤注孱王鞠躬丞相諸葛  
痛南朝春燈燕子早昏旦心肝如割肯貽羞墩上  
梅花草間求活 天兵雨降抗札賢王尚生氣勃  
勃怎奈爾衆心離散四鎮蝸爭半壁難支一城烏  
合軍書有淚家書成血文山正氣歌重讀舍成仁  
取義無他說衣冠冢在能完徑寸丹心任他碎粉  
身骨 千秋弔古廟貌堂堂盡仰公大節拜畫像  
緋袍象笏舊日威儀雪色霜華亂來鬢髮宣揚史  
傳流連家乘光懸星日文章大只全他忠正無虧  
缺東風吹滿淮南點點寒香落花似雪

清惠堂集

詞二

七

清惠堂集



